

江夢孫

廬山布衣江夢孫。潯陽人。博綜經史。孝弟介潔。不妄語。不隱己過。李主召置門下。為國子司業。一旦面陳。自迂儒無所補。平生讀書。意在惠民。空言無益。願求一官。以自效。主曰。胡為卑飛。自喪其節耶。固不許。固求之。補天長縣令。以官誥示之曰。授告罷。與君無賓友之容。指其庭曰。此地即君斂板趨伏之所也。君寧甘乎。夢孫曰。苟遂素願。無憚其他。乃授之。至其治所。吏白曰。正廳凶惡。自來邑令居之。怪異不得其終。已陳設使廳矣。江因呵曰。長民不踞正廳。非禮也。既上事久之。果有妖物。嘯梁仆瓦。喧號萬狀。羣吏伏匿。江整衣焚香奠酒。語鬼曰。僕為令。合踞此廳。君等有祠堂林墓。安得居此耶。吾行已不欺。闔室無懼君輩。此處必有祀典尊神。吾當告之。語訖。移榻就寢。高枕而臥。寂無見聞。後視事。率以簡易。仁恕為理。民士愛之。甫及滿任。解秩歸田。縣人緣河泣涕。挽舟酷留。凡不絕者三日。主聞之。嘉歎不已。手批委曲。以美爵誘之。惇勸再任。堅然不起。耕田待母氏。暇則以經術課諸生。及子直木。後為員外郎。

李煜幼子

後主煜幼子。宣城郡公。仲宣后周氏所生。敏慧特異。眉目神采。若圖畫。三歲能誦孝經及古雜文。煜置膝上。授之以數萬言。因作樂。盡別其節。宮中講侍。自然知事親之禮。見士大夫。揖讓進退。皆如成人。棲霞道者。異僧也。能知往事。自鍾山迎於大內。令嬪御抱出。此兒見之。自能合掌於額。棲霞曰。不祥之器也。此兒與陛下並后。夙有深冤。以陛下積德。不能酷償。故為劫恩愛賊。託掖庭。割父母之肝腸。宜善養之。而勿戀。年五歲。忽自言曰。兒不能久居。今將去矣。因瞑目逝。周后在疾。聞之。亦逝。煜悼痛傷悲。哽噎幾絕者數日。將赴井。救之獲免。

張遇賢

虔州妖賊張遇賢。循州縣小吏也。縣村有神降於民。與人交語。不見其形。言禍福輒中。民競依之。遇賢因置香果於神。神謂眾曰。張遇賢是第十八尊羅漢。可留事我。遇賢親聞之。遂留其家。奉事甚謹。既而羣盜大起。無所統。一乃禱於神。求當如王者。曰。張遇賢當為汝主。眾因推為中天八國王。改年為長樂。辟置百官。神曰。汝輩可

度嶺取度。羣賊奉遇賢。襲南康。虔州節度使賈浩。始甚輕之。殊不設備。賊衆蟻聚。遂至十萬。遇賢自擇巖際。據白雲洞。造宮室。羣劫四出。攻掠無度。李主環遣都虞候嚴思討之。邊鎬監軍環諭鎬曰。蜂蟻空恃妖幻。中無英雄。至則可擒。果至連敗。其衆遇賢日窘。告神曰。吾力謝福衰。庇汝不及。善自為處。遂執之。斬於建康市。

萬柳溪邊舊話

尤 玘

蟹

兵部侍郎五湖公性愛蟹。秋風蟹肥。把酒持螯。與客嘯傲。山陰術士袁大韜者。其術動帝皇。孝宗時。時召前席。賜賚不可勝計。大韜挾人主之寵。往來三公九卿間。而與兵侍公最昵。一日訪公。里第。值公在華藏寺。遂操扁舟。擢湖而來。公方與客飲。雲海亭上。漁人網得大太蟹。其內有三重。幾一筋。非復平日所見。公甚喜。捐錢數百文。賞之。而大韜適至。喜而劇飲。大韜曰。某近遇一異術。能知人食料。兵侍公曰。今得八蟹。一生六客。孰兼食者。大韜默坐。屈指數十。迴算之。面漸赤。大叫曰。異事。異事。七人俱不得食。蟹衆皆天笑。韜復默算者久之。謂兵

侍公曰。公五年以內。未得食蟹。公亦大笑。未幾。客有朱朗卿與弟遂卿者。偕去。酒方數行。催庖人治蟹。甚急。忽遂卿奔來曰。吾兄催蟹。啓釜觀之。一落足甚巨。取而嘗之。頃刻眩倒。眾共奔視。朗卿死矣。二三客迎醫治。木各司其事。至暮遂不能救。大韜手取諸蟹。傾於湖濱。偶遺一二。落足於岸左。一犬食之。立斃。而湖濱大小魚之死者。不可以數計。湖中漁舟百十。皆仰尤氏為衣食者。乃召進蟹人問之。曰。得於湖岸大垂楊下。公命僕夫持錘掘之。得赤首巨蛇數十。蟹之大者。以久滄毒氣也。兵侍公甚憐朗卿。厚葬之。而恤其子弟。厚賜大韜數十金。終身戒不食蟹。

江南餘載

闕 名

刁侃

秘書郎刁侃。文安郡公。按文安郡公徐游。知誨子也。初名景。游避元宗諱。去景字。之愛婿。姻連戚里。第宅蕭灑。一日侃弟妹於庭下。忽見二人沿古槐而上。以瓦擊中。之。應手墮地。四肢雖具。長纒二寸許。狀如世所畫。夜叉然。瘞之。是夕侃家堂室之間。鬼怪無數。或見大手。